

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON  
O IZMJENI ZAKONA O OSIGURANJU**

**Sarajevo, septembar 2021. godine**

## **PRIJEDLOG ZA DONOŠENJE ZAKONA PO SKRAĆENOM POSTUPKU**

Predlažemo da se Zakon o izmjeni Zakona o osiguranju, donese po skraćenom postupku, u skladu sa članom 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20)) i članom 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), koji predviđaju da se zakon može donijeti po skraćenom postupku kad nije u pitanju složen i obiman zakon.

**ZAKON  
O IZMJENI ZAKONA O OSIGURANJU**

**Član 1.**

U Zakonu o osiguranju („Službene novine Federacije BiH“, broj: 23/17), u članu 225. stavu (3) riječ: „pet „ zamjenjuje se riječju „deset„.

**Član 2.**

Ovaj zakon stupa na snagu narednog dana od dana objavljivanja u “Službenim novinama Federacije BiH“.

# **O B R A Z L O Ž E N J E**

## **PRIJEDLOGA ZAKONA O IZMJENI ZAKONA O OSIGURANJU**

### **I. USTAVNI OSNOV**

Ustavni osnov za donošenje Zakona o izmjeni Zakona o osiguranju sadržan je u članu III.1 tačka c) Ustava Federacije Bosne i Hercegovine, koji je izmijenjen amandmanima VIII, LXXXIX i CVI i članu IV.A 20.(1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i fiskalna politika Federacije BiH, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o obavljanju dužnosti u federalnoj vlasti.

### **II. RAZLOZI ZA DONOŠENJE ZAKONA**

Osnovni razlozi za donošenje zakona su:

S obzirom da odgoda primjene odredbi u Zakonu koje se odnose na poslovanje društava za osiguranje i reosiguranje sa sjedištem izvan Bosne i Hercegovine ističe početkom naredne godine potrebno je dodatno produžiti period za primjenu istih uvažavajući praksu u zemljama u okruženju, kada su odredbe o poslovanju stranih društava putem osnivanja podružnica primjenjuju nakon ulaska te zemlje u članstvo EU. Isto tako u zemljama članicama EU nije dozvoljeno poslovanje društava sa sjedištem izvan EU putem podružnica u EU do ulaska te zemlje u članstvo EU.

Predložena izmjena predstavlja nastavak harmoniziranja propisa o osiguranju u cilju održavanja stabilnosti i razvoja jedinstvenog tržišta osiguranja u BiH, posebno uvažavajući pravila pisanja propisa u Federaciji u kojima odredbe koje propisuju početak primjene navedenih odredbi moraju biti odredive, a u propisu Republike Srpske je definirano da se primjena odgađa do ulaska BiH u EU.

### **III. USKLAĐENOST PROPISA S EVROPSKIM ZAKONODAVSTVOM**

Predmet uređivanja ovog zakona nije usklađivanje s propisima Evropske unije.

### **IV. OBRAZLOŽENJE POJEDINIH ODREDBI**

#### **Član 1. (član 225. stav (3) Zakona)**

Izmjenom odredbe omogućava se odgoda primjene odredbi koje se odnose na poslovanje društva sa sjedištem izvan Bosne i Hercegovine dodatnih pet godina (ukupno deset godina tj. do 6. aprila 2027. godine)

#### **Član 2.**

Odnosi se na stupanje na snagu zakona i objavljivanje u "Službenim novinama Federacije BiH".

### **V. FINANSIJSKA SREDSTVA**

Za donošenje ovog zakona nisu potrebna dodatna finansijska sredstva iz Budžeta.

## **ZAKON O OSIGURANJU**

(„Službene novine Federacije BiH“, broj: 23/17)

### **Tekst odredbe koja se mijenja**

#### **Član 225.**

#### **(Donošenje propisa)**

- (1) Agencija za nadzor dužna je donijeti propise na osnovu ovlaštenja iz ovog zakona u roku od 6 mjeseci od dana stupanja na snagu ovog zakona.
- (2) Do dana stupanja na snagu propisa iz stava (1) ovog člana primjenjuju se podzakonski propisi doneseni na osnovu Zakona o društvima za osiguranje u privatnom osiguranju („Službene novine Federacije BiH“, br. 24/05 i 36/10), ako nisu u suprotnosti s ovim zakonom.
- (3) Odredbe iz člana 5. stav (1) tačka (c), člana 57. stav (6) tačka (c), te čl. 55., 56. i 189. ovog zakona primjenjuju se u roku od pet godina od dana stupanja na snagu ovog zakona.